

Bibel fa Kjinja

brinjt junt



Gott
Ieet
Josef,
dän
Sklow



Jeschräwen von: Edward Hughes

Jemolt von: M. Maillot un Lazarus

Toom Pauss jestalt von: M. Maillot un Sarah S.

Äwasat von: Ed Zacharias

Hääjestalt von: Bible for Children
www.M1914.org

©2011 Bible for Children, Inc.

Jesazlich: Du doascht dise Jeschicht oppnämen ooda drekjen,
soo lang aus du dee nich vekjafst.



Josef wia onschuldich em
Jefenkjnis jestopt von
Potifar. Em Jefenkjnis
wia Josef jehuarsom
un behelplich.
De Aunjestalda
leet Josef daut
Jefenkjnis ranen.
Wiels Gott met
Josef wia wort
daut fa aulem
leichta em
Jefenkjnis.




Däm Kjennich sien Bakja
un Enschenkja wieren em
Jefenkjnis. "Wuarum sent
jie truarich?" fruach Josef an.

"Kjeena
kaun
ons
sajen
waut
ons

Droom meent,"
säden see.



"Gott kaun!" säd Josef.
"Waut dreemd jie?"



"Dien Droom meent daut du en dree Doag wada woascht trigj biem Kjennich oabeiden," säd Josef to däm Enschenkja. "Denkj aun mie, un froag däm Kjennich toom mie frie-moaken."




Däm Bakja sien
Droom meend
waut schlemmet.
"Du woascht
om dree Doag
stoawen,"
säd Josef.
Beid
Dreem
kjeemen
soo ut.



Oba de Enschenkja vegaut von Josef, bat de Kjennich een Dach vestieet oppstunt. "Ekj hab jedreemt," sad hee.

Kjeena von siene weise



Mana kunnen am sajen waut de meent. Dan docht de Enschenkja aun Josef. Hee vetauld däm Kjennich von am.



De Kjennich leet Josef fuaz komen.
"Gott sajcht die waut en dienen Droom,"
säd Josef to däm Kjennich. "Ägipten woat
säwen goede Joa haben, un dan säwen Joa
Hungasch-noot haben."



"Stal nu eenen Maun aun
toom Jeträajd spijkren en
de goede Joa," säd Josef to
däm Kjennich. "Wan nich
dan woaren diene
Menschen en de
Hungasch-noot
stoawen." De
Kjennich säd,
"Gott halpt
die. Du
woascht
dee Leida
sennen,
unja mie."



Ieescht kjeemen säwen goede Joaren; dan kjeemen
säwen Joa hunga. Aulawääjen hungaden Menschen;
bloos nich en Ägypten. Doa wia een groota Väarot.

Wiet auf, en Josef sien Tus, hungaden
Jacob un siene Famielje.



Menschen von aule Lenda jinjen no Ägipten toom
Jeträajd kjeepen. Jacob säd to siene

Säns, "Jie motten gonen, sest
hunga wie doot."

See kjeemen
no Ägipten,
un wullen
Äten
kjeepen.



Jacob siene Säns kjneeden ver dän Be-aumten en Ägipten. See kjanden äaren Brooda Josef nich; oba Josef kjand an. Josef docht aun siene Dreem. Gott haud am äwa siene Breeda jesat.



Josef wist sikj goot. Hee räd groff,
un hilt Simeon faust. "Nämt Jeträäjd un
got nohus un komt trigj met
junen jinjsten Brooda," säd
hee. "Dan woa ekj
weeten daut jie
nich

Spionen
sent."



De Breeda dochten daut Gott stroft
an veleicht wiels see Josef emol aus
Sklow vekoft hauden.



Jacob un siene Säns vestunden daut nich. "Ons Jelt es em Jeträajd trigj jekomen. Un wie sellen Benjamin brinjen." Jacob kunn Benjamin nich loten metgonen. Oba boolt fäld mea Äten. De Breeda jinjen wada, un neemen Benjamin met.



Aus Josef Benjamin sach, säd hee sien Kjnajcht
hee sull een grootet Äten reed-moaken. De
Breedda kjeemen. "Läft jun Voda? Es hee
jesunt?" Veleicht docht hee, hee wudd de
gaunse Famielje toopbrinjen.



Josef wull weeten auf an äare
Sind leet wia von ieescht-emma.
Nom äten säd hee, see hauden
jestolen. "June Strof
es: Ekj woa Benjamin
hia hoolen aus mien
Sklow," säd hee. Dan
prachad Juda, "Nemm

leewa mie, mien Har."
Nu wist Josef daut
Juda, dee am emol
vekoft haud, docht
nu aundasch.





Josef kunn sikj nich lenja hoolen.
Hee schekjt aule Ägipta rut. Hee
funk aun to hielen. "Ekj
sie Josef, jun
Brooda. Jie
vekoften mie
no Ägypten."
Vewundat un
ve-enjst

säden de
Breedaa
nuscht.



Josef säd to siene Breeda, "Gott
muak mie een Har en

Ägypten, soo daut
ekj jun Läwen en dise
Hunga-noot raden kunn.
Got! Brinjt mien Voda.
Ekj sie junt goot."



Jacob un Josef
wonden toop en
Ägypten, un de gaunse
Famielje läwd doa en
Fräd un hauden jenuach.



Gott Ieet Josef, dän Sklow

Eene Jeschicht von en daut Wuat Gottes,
de Bibel

finjt eena en

1. Mose 39-45

"Wan dien Wuat openboat woat,
jeft daut Licht." Psalm 119:130



Daut Enj



Dise Biblische Jeschicht sajcht ons von onsen wundascheenen Gott, see ons jemoakt haft un ons well kjanenlieren.

Gott weet daut wie schlajchtet jedonen haben, waut hee Sind nant. De Strof fa Sind es de Doot, oba Gott siene Leew fa ons es soo groot, daut hee sienen eensjen Sän, Jesus, schekjt, daut hee aum Kjriez stoawen sull un de Strof fa onse Sind nämen sull. Dan stunt Jesus vom Doot opp, un fua no sien Tus em Himmel! Wan du dän Gloowen aun Jesus hast, un am frajchst diene Sind to vejäwen, dan deit hee daut! Hee kjemt dan un läft en die, un du woascht opp emma met am läwen.

Wan du dit jleewen kaust, dan saj to Gott:
Leewa Jesus, ekj jleew daut du Gott best, un worscht een Mensch toom fa onse Sind to stoawen, un daut du nu wada läfst. Komm en mien Läwen un vejeff mie miene Sinden, soo daut ekj nu nieet Läwen haben kaun, un noch emol opp emma no die kom. Halp mie daut ekj die jehuarsom sie, un fa die läw aus dien Kjint. Amen.

Lass de Bibel un räd jieda Dach met Gott! Joh. 3:16

